

嬰童百問卷之二



肺臟

第十一問

肺盛復有冷風。胸滿短氣。氣急喘嗽。上氣當先散肺。
後發散風冷。散肺瀉白散主之。肺只傷寒。則不胸滿。
肺熱則手掐着眼鼻面。甘桔湯主之。肺虛熱。唇深紅
色。治之散肺虛熱。少服瀉白散。肺臟怯。唇白色。當補
肺。阿膠散主之。若悶亂氣粗。喘促。噎氣者。難治。肺虛
損故也。脾肺病久。則虛而唇白。脾者肺之母也。母子
皆虛。不能相營。故曰怯。肺主唇。白而光澤者吉。白如

枯骨者死。肺病春見。肺臟勝肝。當補腎肝。治肺臟肝
怯者受病也。補肝腎。地黃丸。治肺。瀉白散。主之。肺病
見春。旺肺勝肝。當瀉肺。輕者肺病退。重者目淡青色。必
發驚。更有赤者。當擣為肝怯。當目淡青色也。

瀉白散

地骨皮

桑白皮

炒各一兩

甘艸

炙一錢

右剉一劑。粳米一撮。水二盞。煎一盞。食前服。

甘桔湯

治風熱毒氣上攻。咽喉疼痛。喉閉腫塞。妨悶。及

肺壅咳嗽咯唾膿血胸滿振寒咽乾而渴時出
濁沫氣息腥臭久久吐膿狀如米粥又治傷寒
咽痛

桔梗

二兩

甘草

一兩

右爲粗末每服二錢水一盞煎至七分去滓食
後溫服加荊芥防風名如聖湯熱甚加羌活黃
芩升麻

阿膠散

治嗽肺無津液喘急肺虛者咳而哽氣有聲

阿膠 一兩半 蛤粉炒

鼠黏子 二錢半 炒香

馬兜鈴 半兩 焙

甘艸 一錢 炙

杏仁 七箇去 皮尖

糯米 一兩

右爲末。每服二錢。水一盞。煎六分。食後溫服。

地黃丸

熟地黃 山茱萸 乾山藥 各四錢

澤瀉 牡丹皮 白茯苓 各三錢

右爲末。煉蜜丸如桐子大。三歲以下。一二九空。心白湯化下。行遲鶴膝。加鹿茸牛膝五加皮。

腎臟 第十二問

腎虛兒本虛怯。由胎氣不成。則神氣不足。目中白睛多。其顙卽解顙開。面色眊白。此皆難養。縱長不過八入之數。若恣于色慾。多不過四旬而亡。或有因病而致腎虛者。非也。又腎氣不足。則下竄。蓋骨重。惟欲墜下而縮身也。腎水陰也。腎虛則畏明。皆宜補腎。地黃丸主之。腎病見夏。水勝火。腎勝心也。當重腎。輕者病退。重者悸動。當搐也。

地黃丸

治腎疴卽急疴腦熱肌削手足如水滑洩腹痛

熟地黃 山茱萸肉

乾山藥 各四錢

澤瀉 牡丹皮

白茯苓 去皮各三錢

右爲末。煉蜜和丸如梧桐子大。三歲以下一二丸至三丸。溫水空心化下。行遲鶴膝。加鹿茸牛膝五加皮。

面上證氣色總見

第十三問○無方

左腮爲肝。右腮爲肺。額上爲心。鼻上爲脾。下頰爲腎。赤者熱也。隨證治之。此仲陽之至論也。口議所謂五位氣色總見者。其藍青色者。乃驚積不散。欲發風候。其火紅色者。痰積壅盛。驚悸增進。其黃土色者。食積癥傷。欲作疳疾痞癰。其色白者。大腸滑洩。水穀不分。欲作吐利。其黑色者。臟腑欲絕。其疾危惡。其兒不久也。又有面部形色。額有青色。主驚風。欲發紅。主大熱。印堂青色。初入驚。并瀉。紅主大驚。夜啼。黑主客忤。山

根青至。主二次驚。青色主瀉後發躁。黑色及黃甚主死。年壽平陷者主天。青主發熱生驚。黑主利死。紅主燥死。微黃曰平。黃甚主霍亂死。鼻準微黃曰平。黃甚爲土動死候。黑赤危甚。人中黑主蛔蟲咬。患久唇反者死。短縮者因利死。邊旁黃主胃逆。青色主下利。正口紅者平。乾燥脾熱。白主失血死。黃有積。青因驚風死。黑氣透口者死。承漿青。因飲食時被驚。黃主吐逆。赤主血痢。赤黑主驚風。兩眼黑睛黃。有熱。白睛黃。食積不化。疳蛔。白睛青。肝風驚。黑睛黃。傷寒。斜上青。吉。

忽紅主煩燥夜啼黃主霍亂久病紅者死風氣二池
青主風候紫主吐逆又發熱黃吐逆紅主煩躁夜啼
兩顴赤色肺有客熱兩太陽青主二次受驚青自太
陽入耳者死紅主血淋兩臉青主客忤黃主痰溢赤
主風熱兩頰赤主傷寒左赤心熱口瘡右赤肺熱黃
主有積紅主血淋兩顴青主吐蟲兩金匱青主第三
次驚生風黑遶口二日死青連目入耳七日死兩風
門紅主風熱黑主疝青水驚黑從眉入耳當日死唇
黑不食者死又面青眼青肝之病面赤心之病面白

肺之病。面黃脾之病。面黑腎之病。五臟各有所主。看
稟受盈虧。胎氣虛實。陰陽補瀉。當救其失。臟腑表裏。
若能辨其標本。則神聖工巧。自然得矣。

發搐

第十四問

仲陽云。驚癇發搐。男發搐。目左視。無聲。右視。有聲。女發搐。目右視。無聲。左視。有聲。相勝故也。早辰發搐。因潮熱。寅卯辰時。身體壯熱。上視。手足動搖。口內生涎。項頸急。此肝旺。當補腎治肝。補腎地黃丸。治肝瀉青丸。主之。日午發搐。因潮熱。巳午未時發搐。心神驚悸。目上視。白睛赤色。牙關緊。口內生涎。手足動搖。此心旺也。當補肝治心。治心導赤散。涼驚丸。補肝地黃丸。主之。日晚發搐。因潮熱。申酉戌時。不甚搐而喘。目微

邪視。身體似熱。睡露睛。手足冷。大便淡黃水。是肺旺。
當補脾。治心。治肝。補脾益黃散。治肝瀉青丸。治心導
赤散。主之。夜間發搐。因潮熱。亥子丑時。不甚搐而臥。
不穩。身體溫壯。目睛緊。邪視。喉中有痰。大便白色。乳
食不消。多睡不省。不納津液。當補脾。治心。補脾益黃
散。治心導赤散。涼驚丸。主之。凡急驚欲發。先看握拳。
指內陰順。指外陽順。男左女右。搐須令全。用藥通關。
大忌悶涎入肺。逆入心經。不能語言。卽與涼心鎮驚。
下痰藥。始安。如逆搐者。便不可救。若因吐瀉後變證。

却難調治。大凡此證。要看握拳逆順。若搐順則易調。理。搐逆恐其復潮。先用通關勝撚兒保命丹。省風湯。後用疎風化痰退熱等藥。便可無事。又有驚風搐搦。吐瀉多啼急搐。眼後有淚面紅則難瘥。愛哭心中聚涎。臉有紅筋。乃是癇疾。指亂青紋疾病。又傳下驚風。驚風鎮墜太過。風疾不散。與氣相逆。搐不能定。當下轉氣疎風藥。溫膽湯加酸棗仁服。次省風湯化蘇青丸。又有急驚偏搦。面青背冷。男左女右不妨。男右女左難治。如手心冷汗。搐着搐肚。終日終夜不定者。名

真搐兩肩都動。此乃掣證。不惟定搐。亦要順氣。當下參湯平其胃氣。却進川烏全蝎等藥。并順氣藥。亦要幹旋。仲陽論傷風後發搐。若傷風後得之。口中氣出熱。呵欠頓悶。手足動搖。當發散。大青膏主之。傷食後發搐。若傷食後得之。身體溫多睡多唾。或吐不思飲食。而發搐。當先定搐。搐退白餅子下之。後服安神丸。又百日內發搐。真者不過三兩次必死。假者頻發不爲重。真者內生驚癇。假者外傷風冷。蓋血氣未實。不能勝任。乃發搐也。欲知假者。口中氣出熱也。治宜發

散。大青膏主之。仍用塗顙浴體法。珍珠丸下痰卽定。
有熱不大便者。七寶洗心散。寬熱散下之卽效。却用
截風定搐。天麻防風丸。龍齒散。釣藤散等劑調理。有
熱瘡疥或不語。防風通聖散。大連翹湯皆可服。

瀉青丸

當歸

龍膽艸

川芎

防風

大黃

羌活

山梔仁

等分一方加
甘艸芍藥

右爲末。煉蜜丸雞頭大。每服一丸。沙糖湯下。

導赤散

生地黃 甘艸 生

木通 各等分

右咬咀。竹葉煎。加黃芩赤芍藥羌活燈心煎。

涼驚丸 潮熱口內涎手足動搖此心旺也

治驚痺有熱發搐。心神驚悸。上視赤色。牙關緊。

黃連 末五分 龍腦 一錢 龍膽 三錢 防風 三錢

青黛 三錢 釣藤 二錢 牛黃 一字 麝香 一字

一右同研麪糊丸粟米大。每服三五丸。至一二十

丸煎金銀湯送下。

地黃丸

熟地黃

山茱萸

乾山藥

各四錢

澤瀉

牡丹皮

白茯苓

去皮各三錢

右為末。煉蜜丸如梧子大。空心溫水化下三丸。

益黃散

陳皮

去白一兩

丁香

二錢一方用木香

訶子

炮去核

青皮

去白

甘草

炙各半兩

右為末。三歲兒一錢半。水半盞煎三分。食前服。

通關散

治諸風搖擺。關竅不通。皆由痰塞中脘。留滯百